

1. april 2003

UPA 2003/31

**Inissianik attartorneq pillugu Inatsisartut peqqussutaata
allanngortinneqarneranik Inatsisartut peqqussutissaattut siunnersuut
pillugu
Inatsisartut Attaveqaqatigiinnermut Ineqarnermullu Ataatsimiititaliaata
ILASSUTITUT ISUMALIUTISSIISSUTAA
siunnersuutip pingajussaaneerreqarnerani saqqummiunneqartoq**

Inatsisartut Attaveqaqatigiinnermut Ineqarnermullu Ataatsimiititaliaat suliarinninnermini ukunin-nga inuttaqarpoq:

Inatsisartuni ilaasortaq Isak Davidsen, Atassut, siulittaasoq
Inatsisartuni ilaasortaq Kalistat Lund, Siumut, siulittaasup tullia
Inatsisartuni ilaasortaq Jens Napaattooq, Siumut
Inatsisartuni ilaasortaq Johan Lund Olsen, Inuit Ataqaqatigiit
Inatsisartuni ilaasortaq Palle Christiansen, Demokraatit

Inatsisartut Attaveqaqatigiinnermut Ineqarnermullu Ataatsimiititaliaata Inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutissaattut siunnersuut aappaasaaneerreqareermat nassuiaatitai ilanngullugit misissuataarpaa.

Siunnersuutip imarisai

Amerlanerussuteqartut Siumumeersut Atassummeersullu siunnersuut aappaasaaneerreqarnermi kingorna iluserilikkamisut ilusilik isumaqatigaat.

Ikinnerussuteqartut Inuit Ataqaqatigiinneersut Demokraatineersullu ernummatigaat §§-ini 4-mi 5-imilu maleruagassat sukaterneqarnerat namminersornerusuni allaffeqarfissuarmi taassumalu ataa-ni sullivinni sulisorisanik pissarsiniarnissamut tigumminniinnarnissamillu aalajangiusimanissamut Namminersornerullutik Oqartussat periarfissaanut pitsaanngitsumik ajortumillu kingunilimmik sunniuteqassasoq. Tamatuma saniatigut ikinnerussuteqartut isumaqarput Naalakkersuisut allannguutissatut siunnersuutaat isumaqatiginninniartarnermik piginnaatitaanermut piffissaan-ngitsukkat akulerunnerusoq, sulisitsisummi kattuffii nalinginnaasutigut tamakkununga tunngasumik Naalakkersuisunut isumaqatigiissuteqartaraluardata, taamaattumillu, isumaqatiginninniartarnernut tunngasutut inatsisiliortut inatsiliuutissallugu ingalasisamasariaqagaat.

Taamaammat peqqussutissatut siunnersuutip pingajussaaneerreqarneranut, maannamut inatsisitigut inissisimanerup sulisorisanullu atorfirmut atatillugu inissamik inneruussisarnermut tunngatillugu ileqquusut aalajangiusimaneqarnissaat siunertaralugu, ikinnerussuteqartut qulaani taaneqartut §§-it 4-p aamma 5-ip allannguutissaannik saqqummiussissapput.

Ataatsimiititaliap inassuteqaataa

Ataatsimiititaliami ikinnerussuteqartut Inuit Ataqtigiinneersoq Demokraatineersorlu allannguutissatut siunnersuummik saqqummiussissasut.

Taama oqaaseqarluni Inatsisartut Attaveqaqatigiinnermut Ineqarnermullu Ataatsimiititaliaata Inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutissaattut siunnersuut pingajussaani gassanngortippaa.

Isak Davidsen
Siulittaasoq

Kalistat Lund
Siulittaasup tullia

Jens Napaattooq

Johan Lund Olsen

Palle Christiansen